

皇明史竊

皇明史稿卷之第九十二

楊繼盛沈鍊沈束列傳第七十

東莞尹守衡著

楊繼盛字仲芳容城人也嘉靖二十六年進士授南京吏部主事滿遷兵部員外卽是時虜酋俺答入寇京師戒嚴咸寧侯仇鸞以雲中騎人援爲諸道先上大書詔拜鸞平虜大將軍總督諸道援兵禦虜虜去總理京營戎政鸞在上前陳議日中已無虜憂而心實憚之又思有以餌之陰遣廝養子時義結俺答義子脫脫請於宣大二邊互市市馬上市問相尚焉政善鸞可其策繼盛上疏條論十不可五謬大略謂互市市馬者

和議別名也虜踐躪我陵寢震劉我赤子今反與之和何以上
鮮列祖之怒下紓百姓之忿乎忘天下之大讎其不可者一矣
往北伐之詔下天下曉然知聖意日夜輸其兵食以助京師而
忽更之曰和則平日之選將練兵者爲何備糧草精器械者爲
何失天下之大信其不可者二矣以天朝堂堂而下與犬羊互
市冠履倒置損國家之重威其不可者三矣天下蒙杰日夜磨
厲其長技以待試而其心於虜今謂國家厭兵無所用之隳蒙
杰效用之志其不可者四矣庚戌之變天下頗聞習兵事無故
以和弛之邊鎮之士人人各自偷安卒然有急時乃再爲整頓

不已韜乎懈防邊將士之心其不可者五矣往者邊
私通虜吏猶得以法裁之今導之使通其不勾結而
訛謾者幾希羽邊方通虜之門其不可者六矣伏心之
莽在在有之往者厭國威不敢肆今謂縣官懼而虜
群側目而思逞更何忌憚將來腹心之變可勝言
百姓不靖之漸其不可者七矣虜昨深入時我雖不
逆一矢然虜知我倉卒亡備疑畏之心尚在也今備之
已半載而互市終之彼謂我尚有人乎長胡虜輕中國
之心其不可者八矣虜狡詐出沒叵測我竭財力而

之邊虜負約不至未可知也因互市而伏兵若吐蕃清水之盟未可知也或互市畢即入寇入寇矣而駕誘它部落我既無所攝問之或以下馬索上價或討我以重賞或別望我以分外不堪之求皆未可知也墮胡虜狡詐之計其不可者九矣大約歲帛數十萬得馬數萬匹十年之後虜馬少而我帛亦不繼將何以善其後不爲國家深長之計其不可者十矣凡爲謬說者有五不過曰吾外假馬市羈縻之而內寬吾以修武備夫虜至無饜也至無耻也倘有他釁我不可失信以興兵此乃所

以自羈縻乎我非所以羈縻乎彼也且吾果欲修武備而何所藉於羈縻此一謬也曰吾乏馬吾藉此一資吾軍則又非也旣和矣無事戰矣得馬將焉用之且虜以馬爲生安肯捐其自乘之良馬而市於我此二謬也曰互市不已彼且朝貢夫至於朝貢而中國之捐貲以奉虜益大矣此三謬也曰虜旣利我必不失信又非也夫虜之種類日繁中國之所開市者能盡給其衆乎不給則不能無入掠此四謬也曰兵危道也佳兵不祥夫敵加於已而應之胡佳也人身四肢皆癰疽毒日內攻而

憚用藥石可乎此五謬也夫此十不可五謬至易知也然而有爲陛下主其事者蓋其人內迫於國家之深恩則圖倖目前之安以見效外懼於虜之重勢則務中彼之欲以求寬然公卿大臣知而莫爲一言止之者止則我肩其任而安危反及于身開則人任其責而成敗無與於我陛下宜震獨斷發明詔罷言開市收回成命選將練兵聲罪致討不出十年臣請得爲陛下勒燕然之顛縣俺答之首于薰街以示天下萬世疏入上三閱之曰繼盛言是竊愧憤曰監子曰不知虜宜其易言如是

遂有密揭進上乃下八臣會議八臣者大學士嚴嵩李
本禮部尚書徐階兵部尚書趙錦侍郎張時徹聶豹成
國公朱希忠及仇鸞鸞龍方盛諸人皆附鸞指不敢異
遂下繼盛錦衣獄貶狄道典史已而虜以羸馬索厚直
弗予輒大譁大同市寇宣府市寇大同明年萬騎
入塞上乃命龍市者爲令復言開市者死虜入至薊州
鸞疽發皆死上得時義前通虜狀乃族鸞因思繼盛言
大讎立遷山東諸城令踰月遷南京戶部主事僅三日
遷刑部員外卽未十日調兵部武選卽繼盛曰上一歲

四遷臣官上恩厚矣臣何以報國哉已而深念曰吾知所以報矣至部僅十二日遂上言臣居兵曹以討賊爲職然賊不顯在虜臣觀大學士嚴嵩盜權竊柄悞國殃民此天下一大賊也方今外賊惟虜內賊惟嵩未有內賊不去而外賊可平者請誅賊嵩當在勦虜之先臣謂嵩有十大罪我太祖高皇帝親見宰相專權之禍罷中書省丞相而立五府九卿分理庶政嚴閣之臣惟備顧問視制草嵩挾陛下之權盡侵府部百司之事儼然以丞相自居此壞祖宗之成法一大罪也皇上用一人嵩

則曰我薦之及黜一人嵩又楊言曰是不親附我也
罷之皇上宥一人嵩則曰我救之及罰一人嵩又楊言
曰是得罪我也故報之群臣畏嵩甚於畏皇上此竊皇
上之大權二大罪也人臣善則稱君過則歸己故書曰
爾有嘉謨嘉猷則入告爾后於內爾乃順之于外曰斯
謨斯猷惟我后之德賊嵩入閣數年安有謨猷可紀至
刊御劄以布于天下名曰嘉靖䟽議攘上美政以彰已
事權此掩皇上之治功三大罪也皇上令嵩票本嵩令
子代世蕃又令嵩之義子趙文華代擬故京師有大丞

相小丞相之謠此縱奸子之僭竊四大罪也嵩孫嚴効忠嚴鵠皆世蕃子也乳臭孩童隨任養未聞一日離家効忠則以兩廣功授所鎮撫嚴鵠又以瓊州功陞錦衣千戶皇上爵賞邊士之權豈賊嵩私家壟斷之物乎此冒朝廷之軍功五大罪也逆鸞以貪虐論革世蕃乃受三千金薦爲大將忠於社稷者豈宜用此債帥以寄干城勾虜背逆者鸞也而受賄引用鸞者則嵩與世蕃此高之罪惡又出鸞之上矣此引背逆之奸臣六大罪也胡虜深入丁汝璉問計于嵩嵩曰京邊不同敗於邊

猶可掩也敗于京不可掩也且虜飽自退耳故汝璣傳
令不戰及汝璣逮治求嵩居間嵩曰無恐吾密疏保若
矣汝璣恃嵩平日回天手段故安心不辯及臨刑始知
爲嵩所紿乃大呼曰嚴嵩誤我矣此誤國家之軍機七
大罪也卽中徐學詩以劾嵩奪官矣考察而及其兄中
書舍人徐應豐都給事中厲汝進以劾嵩降典史矣大
計而後行削籍夫應豐乃皇上供事內庭之臣典史則
無過可指也考察大典皇上持之以激勵天下之人心
賊嵩竊之以中傷天下之善類此專黜陟之大柄八大

罪也文武官陞遷論銀多寡將官納賄於嵩不得不剝
削乎軍士所以軍士多至失所而邊方爲甚有司納賄
於嵩不得不濫取於百姓所以百姓多至流離而北方
之民爲甚利歸一人毒徧天下人人思亂皆欲食嵩之
肉臣恐天下之患不在胡虜而在域中此失天下之人
心九大罪也先朝風俗淳厚近古逆瑾用事始一少變
及至嵩爲輔臣諂諛以欺乎上貪汙以率其下通賄廢
勤雖盜跖而薦用奔競踈拙雖夷齊而罷黜守法度者
以爲固滯巧彌縫者以爲有才勵節介者以爲矯激言

奔走者以爲練事卑污成俗牢不可破英雄豪傑皆
公中究其本原嵩先好利天下所以皆尚乎貪嵩先好
諛天下所以皆尚乎諛源之不潔流何以清此壞天下
之風俗十大罪也然此十大罪非五姦則無以濟之陛
下一言一動左右侍從無不關白故陛下之愛憎舉措
嵩皆預知而逢迎是陛下之左右皆賊嵩之間諜其姦
一嵩欲盡塞天下言路以義子趙文華爲通政使章疏
一至先上副封少有干嵩卽先有術以爲之彌縫御史
王宗茂劾嵩一疏文華留之五日而後上是陛下之納

言乃賊嵩之鷹犬其姦二嵩懼緹騎緝事則令世蕃以
孫與厥帥聯婚嵩籍江西去京四千餘里結親於此欲
何爲哉此其情可立見也是皇上之爪牙乃賊嵩之爪
爲其姦三嵩畏臺諫有言進士初選非嵩私屬不得與
中書行人之選推官知縣非重賄不得與給事御史之
列有差遣則往返饋遺有愛憎則授意論劾是皇上之
耳目皆賊嵩之奴僕其姦四科道已入其籠絡部臣有
如徐學詩之類者可懼也令子世蕃將各部之有才望
者悉羅而致之爲腹心或結爲兄弟招爲門客各部

堂司稍有怨望者先報世蕃嵩得早爲斥逐連絡蟠結
合爲一黨是皇上之臣工多賊嵩之心腹其姦五嵩之
十罪賴此五姦五姦一破十罪立見雖然嵩握重權諸
臣順從無足怪者大學士徐階負天下之重望荷皇上
之知遇不爲天下除賊畏嵩之巧懼嵩之毒爵拂聽命
不敢少抗雖爲積威所劫然於皇上不可謂不負也皇
上聰明剛斷逆鸞隱惡無不悉知嵩之顯惡乃反含忍
固若不能知亦若不能去一日在位則一日之害也皇
上何不割愛一賊臣而忍百萬蒼生之塗炭乎臣前諫

阻馬市謫官邊方往返萬五千餘里道塗艱苦妻子流離宗族賤惡家業盡落幸復今官僅將一月臣雖至愚非不知與時浮沉徐圖報於他日而顧履危冒險攻難去之臣艱難成之功取必至之禍哉願皇上以再生之恩賜臣臣安忍不捨再生之身以報皇上况臣枉直成性忠義鬱結每恨壞天下之事者惟逆鸞與嵩鸞已殛死獨嵩尚在嵩之姦惡又倍於鸞將來爲禍更甚合此不言再無可以報皇上者伏望皇上聽臣之言察嵩之姦群臣於嵩畏勢懷恩不必問也或召問二王令之面

陳或詢諸閣臣論以勿畏重則置之憲典以正國法
則諭令致仕以全國體賊臣既去豪傑必出賞罰旣明
軍威自振胡虜畏皇上之聖斷知中國之有人將不戰
而奪其氣聞風而喪其膽矣內賊去外賊除其致天下
之太平何有故臣欲捨死圖報而必以討賊臣爲急也
然除外賊者臣等之責而去內賊者則皇上之事感激
無地故不避萬死疏奏上命執訊鎮撫司固嵩黨五毒
參至問誰主使嵩疑繼盛嘗受業閣學士徐階繼盛曰
人臣盡忠在已豈必待人主使問何自引二王繼盛曰

非二王疇不畏嵩者且二王家事俱爲嵩敗當盡言耳
拷掠乃至斷指出脛無少屈獄具詔杖一百有遺之蚺
蛇膽曰服之可以禦杖繼盛曰椒山自有膽何必蚺蛇
哉談笑赴杖杖已下刑部獄死復甦太息曰嗟夫忽然而
死忽然而生如睡又醒人之生死固甚易事也已益
脫然刑部尚書何鰲受嵩指傳詐傳親王令旨律卽中
史朝賓曰無其事而附會以坐人死人臣阿私而侮三
尺豈宜至此乎持不可嵩遂謫朝賓外而侍郎土學益
替鰲遂至重辟繫二年每當讞上不忍會總督張經巡

撫李天寵皆以玩寇逮至嵩知三人上所必殺覆二獄而附繼盛於尾上見二人名立付處決而實未嘗知繼盛刑也繼盛妻張氏上言臣夫楊繼盛原任兵部武選司員外郎因先任本部車駕諫阻馬市預伐仇鸞逆謀聖恩僅從薄謫旋以鸞敗首賜瀟雪一歲四遷臣夫拜命之後啣恩感泣私圖報効中夜起立對食忘餐臣所親見不意誤聞市井之言尚徂書生之見遂發狂論荷皇上天高地厚之恩不即加戮俾從吏議臣夫自杖後入獄數死復甦剗去脣肉二片斷筋二條日夜籠籠備

極苦楚年荒家貧臣紡績供給兩經奏謝俱蒙特宥是
臣夫再蹈于死而皇上累置之生臣之感佩惟有焚香
禱祝萬壽無疆而已今歲會議混入張經疏尾奉旨處
決臣夫雖復捐軀市曹亦將瞑目地下臣仰惟皇上方
順養坤和保合元氣昆蟲草木皆欲得所豈惜一迴宸
顧下垂覆盆倘蒙鑒臣蠅蟻之私少從末減不勝大幸
若以罪重不赦願即將臣斬首都市以代臣夫之死夫
雖遠禦魑魅親執戈矛必能爲疆場效命之鬼以報皇
上臣於九泉亦復啣結無旣矣奏入嵩抑不達帝聞繼

盛遂與張經李寵同死西市繼盛死七年嵩逐又二年
世蕃棄市而嵩寄死野寺又三年天子遺詔褒贈太常
少卿謚忠愍賜祠祀錄一子太學初繼盛友人王世貞
求救於嵩門生司業梁材材請嵩曰外間藉藉謂楊繼
盛不免先生不憂後世耶嵩曰行當爲救之以問少卿
胡植鄢懋卿皆曰不可公不知養虎者耶乃自遺患嵩
頷之梁材曰繼盛死不足惜柰國體何先生還當爲天
下後世慮不聽有吏應生者爲繼盛獄中甚周旋奸黨
威禁之不爲奪且欲自具草申救繼盛曰藏予血三年

而碧者即地下必有以報應生

論曰王弼州之論著椒山言上疏時妻語之曰一鸞困
公幾死嵩父子百鸞也公休矣余咲其婦人之言何從
得入思臣烈士之耳後覽乞代夫死之疏喟然不覺涕
泣之交頤嗟哉孰知其義烈之樂而丈夫之行乎肉食
者慚矣嵩尚有人心者哉援二王以傳爰書奚殊莫須
有之故智嵩之罪等于檜矣其後郭中允以釋疑之說
進遂傳首于天下戮嵩父子鬻而分之惡足以雪忠臣
烈士之憤耶

沈鍊字純甫會稽人也嘉靖十七年進士初授溧陽令治以擊搏豪強衛赤子爲急用伉倨再忤臺使尉職墨錮之尉自經三徙令久不調稍遷錦衣幕與尚寶丞張遜業善兩人皆以詩酒自豪數從遜業飲少飲輒醉醉則抵几曼聲誦出師表赤壁賦撫掌縱談天下事慨然有封狼居胥意會是時虜闌入塞都門不啓鍊急謂堂帥陸炳曰毋閉門閉門以民予敵矣炳言于上許之虜執御腕內臣八人去俺酋踞坐見八人遣歸曰若見天子好爲我致書啓書多嫚語求入貢上命文武臣會議

司業趙貞吉抗言曰何議爲恐後生儒夫闇於事許之
貢何異城下之盟大不可檢討毛起曰時事孔棘吾姑
寬庸予貢俟出塞而後議守可乎貞吉叱起謬語鍊從
衆中昌言大申貞吉指刺刺不休太宰夏邦謨目之曰
若何小吏而言若是鍊曰大吏噤弗言故小吏言之胡
怪也鍊是時氣欲即吞虜退而上既請以萬騎護陵寢
萬騎防通州餉而合勤王之師十餘萬鼓而薄其情歸
必大勝報聞罷盖是時相嵩獨貴幸用事將帥當事臣
事急畏誅輒入賊嵩居間嵩爲寢抑而飾敗以聞以是

虜得長驅至都門鍊一日飲遜業所大呼遜業曰有功
國事至此相嵩不斬虜可得而憾乎吾將請劍於尚方
矣遂上言曰臣見輔臣嚴嵩受國重任視如鴻毛貪婪
之性疾如膏肓愚鄙之心頑于鉄石不聞其勞心焦思
延訪賢豪咨諏方略以爲治國安邊之策與子世蕃日
夜圖維祇爲招權納賄之計邊將歲時常例輦輸以入
安得使其奮身却敵以錢而買死撫按長年青幣絡繹
其門安得不致有司聚斂蠹國而害民陰制科道俾不
敢言一忤其意必擠之死而後已見有忠謀爲國者多

方沮撓之譏諛誤國者受購曲全之內閣九年無一善狀尚安望其協謀天討以紓君父之憂乎故今虜寇之敢于深入三尺童子皆知嚴嵩父子之所致也吏部尚書夏邦謨名爲公室之臣實爲私門之吏大事面白嚴嵩而後敢行小事書通世蕃而後敢發妾婦之道至工丈夫之心已喪如之何其察天下之官吏也官吏之言曰內閣吏部要錢吾黨守清無益于是內外遠近相視成風廉耻不行盜賊蜂起若使內閣吏部盡忠則六卿盡職矣又何至于丁汝璉之失事乎乃今猶阻北伐以

爲不可然虜賊之稱首也許亦來不許亦來朝廷之用
兵也不能戰窮亦不能守矣今能阻朝廷之北伐能保
虜寇之不南侵乎其心曰事成則歸功于將帥事失則
歸罪于輔臣此所以倡爲不可戰之說於其間其爲欺
君誤國之罪又大矣伏乞皇上勅下廷臣將此三人詳
議其罪應誅而誅應斥而斥則賞罰明而賢否別忠臣
義士無不仗劍而起感激奮發爭先效死而虜酋不足
戢矣疏入詔以誣詆大臣編管保安州保安人慕鍊忠
義爭館穀鍊遣子弟從學塞外人憇又每爲鍊嘗蒿父

子鍊亦日與相詈笑以爲常至爲偶人三象唐相林甫
宋相檜及相嵩而射之作射虎行語稍稍聞嵩父子啣
之切骨而侍郎楊順來總督故嵩客也虜方入破應州
四十餘堡順侯虜去縱吏士殺掠避虜人爲首功以捷
聞得賞方宴會諸寮稱賀鍊以詩大書遺之云殺生猷
捷古來無解道功成萬骨枯白草黃沙風雨夜冤冤多
少兒頭顱又作籌邊賦譏刺時事或謂鍊口公遷人毋
爲爾鍊曰若視吾目在否而欲盲我夫殺人而欺其君
以要賞吾誓不與共天順恨甚旦暮欲甘心之矣鍊益

憤前後帥遜懦思得身當一面倡集敢死士爲禦虜計
於是順以其私人走世蕃所言鍊結死士擊劍習射將
以間取而父子世蕃曰有是哉以屬巡按御史李鳳毛
鳳毛謬爲謝曰有之竊陰已解散其黨矣鳳毛得代歸
遷光祿少卿而御史路楷來又嵩客也世蕃爲酒壽楷
而使謂順曰幸爲我除吾甥順則與楷合策捕諸白蓮
教通虜者竄鍊名籍中以謀叛聞斬于宣府市有二子
從父保安順杖殺之并其故籍逮其長子襄順楷尋敗
乃免隆慶初詔贈鍊光祿少卿錄一子太學襄用諸生

又次應貢上春官伏闕頌受寬詔逮順楷下司寇獄論
抵罪張遜業者字有功少師平敬子亦一斯趾士也官
終太僕寺丞

論曰沈純甫卑卑一幕職抵掌而欲却千里之難叩關
自效訥讐哉又一請纓生也至于借劍尚方窺身塞上
蓮養時晦以待天子任使奚不可者不勝咤嗟不平之
氣瞑目時事哆口傷人長歌作祟自謂澆吾塊壘終嬰
疾甚之亂群凶之戈則已搃于其喉矣悲夫

沈東字宗安會稽人也舉鄉試第一嘉靖二十三年進士初授徽州府推官入爲禮科給事中時分宜專政言大總兵故太保左都督周尚文卒求卹典嵩寢弗予東曰是吾禮科事也尚文大有功於邊鎮吾有言責可喋不言乎乃爲疏請曰臣聞上有必賞之典以酬功則下懷必報之忠以竭義竊見總兵周尚文清苦愛士忠勤自許馴驕悍之卒而制其命消方形之變而伐其謀忠勇素著封疆攸賴及今虜騎深入聞命疾趨奮勇先登仰仗天威多所殺獲虜遂徬徨宵遁此又一時奇功也

頃蒙皇上明見萬里褒陞官秩綸音渙頒固足以感動人心但考尚文之功尚有未盡之賞今其死也邊民無不灑泣曠蕩之恩可徐施于生前而懋賞之典當終全于死後臣願皇上隆施厚報贈之爵命延之世賞因一人而勸千萬人則九邊之廣百萬之衆感激而思奮者又安知無出于尚文之右者乎此所謂心戰爲上制挺以撻利兵者也然而當事之臣不能上體聖心任已意而予奪于其間則冒濫或得于倖成功忠反抑于捐棄以致皇上加功憫死之至仁將薈而不能下究絕邊窮

塞之將士亦隔而不能上達安能奮發興起以自効于
頗牧之流而副皇上拊髀之思乎疏入嵩大怒條旨杖
闕下幾死下詔獄幽錮之明年虜犯京師詔集廷臣策
所以退虜者國子司業趙貞吉抗言於朝曰釋沈東之
囚以來直言錄周尚文之功以勵邊將虜可不戰而退
而東在獄中上書請得精騎五千往來督戰以外疑虜
而內翼蔽都城且度虜飽而歸必道涿鹿出遵薊或衝
突於宣大宜傳檄諸路乘其情歸設奇夾擊必大勝之
嵩斥去曰囚安得上書其後錦衣幕沈鍊御史趙錦卽

中徐學詩皆越人相繼疏論嵩嵩恨越人時甚有構束
與鍊同宗嵩於是亟欲甘心束賴上明聖不爲惑束旣
長繫有老父疾且革思束一見不可得束妻張氏廼爲
上疏曰臣夫沈東猥以愚昧之性冒妄建言誠當萬死
荷蒙皇上寬宥下獄待罪經今一十四年束上有老親
下無子女孤苦伶仃俯仰無賴止遺臣一身寄居旅舍
早暮力作女工以供口食艱難萬狀度日如年臣夫之
父今年八十有七衰病侵尋風燭不定養生送死之具
更無可託臣烝烝寤寐顧此失彼欲歸以養舅則夫之

體粥無資欲留以給夫則舅又旦夕待盡臣夫東

之臣誠不敢復顧私家切覩聖朝仁恩曠蕩庶類樂二
豈臣一門窮苦顛連自遺覆載之外臣每自念何惜一
死所以忍苦苟延者誠望天地有曲全之仁雨露無不
被之澤也今臣舅已當垂死之年臣夫未有再生之日
臣願以身代夫繫獄暫容臣夫送父年終仍又赴獄待
非庶使臣夫得復見其父少伸父子之情臣以舅付託
公夫亦得全夫婦之義則臣舉家感戴天恩萬代啣結
圖報無窮矣疏三上乃下部部爲之請不允又四年司

務何以尚疏救海瑞上大怒下以尚獄而釋東放爲民
上是時居齋宮好察獄中事命守獄者日具監帖進覽
守者無所得常塞以謾語其日帖進云有鵲當沈東前
噪不休蓋謾語上信之遂釋東東歸不及見父躃踊哀
號曰天乎生不養死不含吾尚得爲人乎遂自廢明年
新天子嗣位起原官遷都給事中再遷南通政叅議不
復出束擢省垣時妻張以束未子家爲娶妾潘同人京
至則下獄三日矣張語潘曰吾忍死以視夫朝夕分也
若艾年且未識夫面盍擇所便乎潘跪曰主公抗節夫

人又苦志婢子獨非人乎流涕霑膺自誓以死與誰共
茹荼苦拮据女紅易升斗供獄中索饘凡一十八年東
出見潘泣曰我當拜謝乃再拜涕驚跪扶之大掩泣遂
同歸里東歸家益落婦妾并日而食郡邑有司靳與東
一見不可得也

論曰余聞沈東少時好讀蘇武傳每讀輒掩卷歎歔當
食或廢箸繇今觀之東繫獄中一十八年視子卿差少
一歲耳子卿牧羝海上雖自苦無人之地東居犴狴之
內日受幽囚不見天日其憂愁困苦之狀視子卿則又

過之一則老母辭堂生妻去惟一則父死不得歛妻妾
咫尺不相見言之皆可酸心下淚迨徼天幸身入玉門
出園扉所謂鴈書鵲帖皆托之人而成於天亦一奇也
嗟乎子卿可謂持節不二之臣然尚有胡婦生子乃知
辮髮醜女猶能摧屈英雄至如張氏上書代繫孝比紇
係妾處女相隨守義半世以待天日又一奇也

明史竊卷之第九十三

楊仇徐王王列傳第七十一

東坡先生著

郭公 一 登武定侯英之諸孫也少能文詞正統七年

南 人從王驥征麓川九年從沐斌征騰衝積功累都持

參 十四年也先入寇上親征進登都督參事副廣寧

安 大同未幾天子蒙塵大同軍士多戰沒所存皆剝殘

涕泣拊循弔死問傷親與裹瘡傳藥而是時城門盡閉人心

瓦解或謂登曰事已至此奈何登曰天祚國家必無可憂之

事若胡勢莫逼吾與此城並相存亡當不使諸君獨死也俄虜

擁上至城下索金帛還駕登閉門城守曰此給我耳莫若以計
伐其謀劫其營奪駕入城此上策也因召壯士與之盟激以忠
義曰事成當封侯受上賞壯士皆踴躍願效死力將遣行或以
危言止之已而安與知府霍瑄出見上括金銀萬餘饋虜虜笑
不應擁駕去然大慟曰駑材果敗吾事安尋遷京獨祭守城虜
竟以和爲名入犯京師登陴帥兵入援先以蠟書馳奏有曰忠
誠切已敢忘報國之心成敗在天不召爲臣之節奏至虜已退
優詔褒答爲答復上疏曰虜人雖回離遼不遠傳報有云黃河
已凍且向延綏青草漸生再侵京闕事雖未信情亦可疑今日

之計可以養銳不可浪戰可以用智不可鬪勇此謂知
彼知己可守則守者也其涑水易州真定保定一帶皆
堅壁清野京兵分據犄角安營以逸待勞以主待客勿
求僥倖務在萬全此謂不戰而屈人兵善之善者也歷
陞右都督虜自得志去出入邊境無一兵敢拒之者登
不勝憤晝夜以忠義激勵將士期必殺賊景泰元年正
月諜報虜入東驛境登帥部騎追躡至沙窩相去二十
里有虜營十二登召將士問計或言虜衆我寡莫若全
軍且還登曰我軍去城已百里業疲困一退避則人心

頃沮虜以鐵騎來追欲自全得乎按劍起曰敢言退者
斬遂薄虜營虜以數百騎迎戰登先射殺二騎手刃一
人將士勇氣百倍遂大敗之追奔四十餘里至栲栳山
捕斬二百餘騎奪回人口牛馬弓械萬計捷聞進封定
襄伯食邑一千一百石予世券是役也登以八百騎破虜
數千爲一戰功第一登念邊事未戢賊吏虐民上疏
論曰往者承平日久人心驕逸在官旣無廉耻之心蒞
政惟肆貪婪之志釀成汚濁之風致有夷狄之禍今日
虜勢雖云請和變態豈能預料倘或渝盟大同一鎮首

克總兵官鎮守宣府關南人歡聲相告曰楊公鎮宣府
吾儕安枕而卧矣洪爲人機變敏捷尚權譎善於用奇
制勝或擣其虛或出不意劫營所畏之呼爲楊王其屯
營專用鐵蒺藜虜潛山谷中見洪旗幟相戒不敢出久
之有虜衆盜寧夏馬而去洪引兵追至興河雪深三尺
洪曰此正破蔡時也亟前進果及虜盡俘斬之完馬而
還十四年上親征洪朝見沙嶺命守陽和關山口洪至
栲栳山獲賊虜三人并所掠人馬以獻命還守宣府土
水師潰上道宣府北狩去虜僞上旨予書洪誘使開門

迎上洪謹閉不出縛使者送京師進封昌平伯虜犯京
師洪率六萬騎入援追虜至金坡鎮斬首四百邀還俘
掠人馬萬計進昌平侯景泰二年賜世券及勲階祿千
一百石仍掛鎮朔大將軍印還鎮宣府洪丹至宣府僅
兩月卒贈穎國公謚武襄洪爲將敬慎雖在閫外不肯
專殺一士卒士卒皆樂爲死敵強不怯戰勝不驕宣正
間稱名將朝中諸大臣皆重洪威略洪爲指揮杜衡許
奏尚書魏源卽貶衡廣西洪部卒李文全復誣洪上
付洪自治其受知節廟若此洪卒子傑嗣侯庶子俊以

命逆閹喜寧功陞右都督從子四人能都督同知信都督僉事仁錦衣衛指揮僉事知開平衛指揮使傑上言臣家一侯三都督諸君頭得官旌者十六人乞停蒼頭職役許之先是俊守獨石馬營上比符棄城逃歸虜去上遣俊還鎮給事中葉盛言俊爲敗軍之將罷不遣遂令俊護瓦剌使人出塞俊又挾私怨杖永寧守備都指揮姚貴且縛貴斬曰我嘗撫役陶指揮上不問諸裨校力解得釋比還廷臣論劾下獄上以洪原宥復右都督統京營兵洪薨死坐事降都督僉事無何傑卒無子俊遂

傳襲父侯景泰末年坐罪革爵子珍嗣侯天順元年上
以其爲參將時勒所部閉門不迎駕且云火種頭來矣
爲石亨所聞啣之已爲太平侯張軏所搆坐斬西市子
珍謫戍廣西天順八年赦珍授龍虎衛指揮使孫越乞
調開平能後封武強伯信封彰武伯

論曰英宗之比狩也郭元登之在大同楊宗道之在宣
府其皆社稷功乎然河西之戍一當其身西市之戮一
及其子悲夫然則于少保之爲于少保也難哉

一、五、八、九

廣三人盡得城中兵分爲三大營鼎立其中筮曰將北
向鉞入寘鑪盡奪其軍分配三大營誘鉞同事鉞辭謝
稱疾不能動閉門不出乃朝夕食未嘗敢忘賊陰令其
故所親信將士往往從中爲鉞耳目數日間周昂來視
疾鉞曰舉事貴速今不亟舉而東何也昂曰兵懼出而
曹雄決河灌城喪其室家將奈之何鉞謬應之曰大
事人封侯妻姬妣寧憂無室家哉昂曰然則各屠妻子
耳昂曰有泄其語城中人聞之莫有堅其命又多嗟怨
及者矣又數日總兵曹雄已遣都指揮王正領兵三千

四百人駐靈州副總兵楊英又已帥兵順河而下盡驅
河內官民船泊守靈州東岍賊已無船可東鉞私自尋
顧念城中精甲猛士尚多以一夫而與三虎共搏必不
可得之數也則又分遣偵卒訛言陝西今有數路兵三
暮且至城下接沓還報宜鑪果大懼鉞又陰爲之間曰
何不急遣一二驍將各將精兵出守渡口追令毋得渡
河或欲決河灌城我兵併得防禦於是何錦興丁廣各
將三千精騎出城如鉞所謀而往留昂守城亂之起也
於是十有八日矣鉞以爲及今不圖更待何日乃聚妻

拏扃室而履薪戒之曰吾以身殉國事之不濟死分也
當闔室爲燼勿血賊刃于時寘鐺尚以鉞爲真疾未即
起爲我用乃又令昂來問疾鉞喜曰二兇並遠此賊隻
立今幸自歸天贊我矣帕首裹甲見之佞兵庭屏間約
曰呼茗而舉械遂即座上斬之持昂首出號于市曰逆
賊周昂予斬其首在此矣汝衆亟宜反戈來從富貴立
在須臾朝廷不肯汝負迷不悟者族無赦從者萬數遂
圍寘鐺府收執謀士孫景文等十餘人殺之諭其餘黨
曰汝等本皆脅從但能釋兵來歸勿問悉解散去寘鐺

遂就禽何錦丁廣將遁于虜河東諸守臣追縛以歸上
初聞亂命涇陽伯神英克總兵官來討勅鉞副之其明
日聞鉞釋兵入城廷議以爲勅當追還閣臣廷和曰不
可追也仇遊擊不命而自入豈皆禍而索禍其或固謂
從中殪之易也使鉞聞上大川之志將益堅反汗何益
祇棄良將益敵人耳鉞若信有異志何資此勅耶抑實
鑄果用之而又聞此命則亦將自疑之矣鉞未聞命果
殲實鑄上寵嘉之拜署都督僉事佩征西將軍印鎮守
寧夏封咸寧伯號推誠宣力武臣特進榮祿大夫柱國

歲祿一千石予世券尋命提督三千營佩平賊將軍印
出擊河北賊趙鐸山東賊劉七破平之進封咸寧侯增
祿百石虜寇宣大佩平蠻將軍印帥京營兵禦之虜退
班師即以目告辭還第嘉靖初詔起提督三千營掌前
軍都督府事尋卒謚武襄孫鸞嗣爵

論曰當鉞之解甲還城也生重於義有如此乎不知者
思手劍之無從然不能以其不病之軀出與群賊比肩
於一日一胸熱血抵閭門而共燼蔽鈎於淵礪戈於室
不露衿肘建奇勳乎虎吻差夫真一偉丈夫哉

徐有貞字元武吳人也初名理字元玉宣德八年進士
選翰林庶吉士授編修正統改元與修章皇實錄成進
侍講有貞爲人短小精悍有膂力目光炯炯注射穎敏
絕世其讀書凡兵法刑名水利星卜諸家無弗手
天文風角占驗多奇中己巳之變六月焚感入南斗
貞先遣妻子南歸上比符太監興安就廷臣問計有貞
前言紫微垣已動急乘虜未深入而還故都爲便興安
叱出之於是廷臣議斬倡南遷者有貞始大沮屈不敢
縱談軍國事然猶以才舉行監察御史出鎮彰德建牙

募兵入衛且萬人多太行群盜輩悍難制有貞率馴擾之教以坐作進退擊刺之法皆踴躍願爲官用庸尋退罷還京克經筵講官進右諭德有貞旣負材請急欲以功名顯然以議南遷都人口籍籍唾指于少保嘗薦長成均景皇帝猶識其名已之有貞久不遷叙邑邑不自得乃以王帶獻內閣陳循而進日者之術曰先生帶且王矣無何循加少保以是心喜有貞見有貞第語之曰君幸無仍舊名有貞悟乃更今名已遂得進右僉都御史出治河是時漕臣欲塞沙灣決口治河使者再三出

皆罔功饒道阻循計有貞才足辦也故舉之於是有
上疏曰臣聞平水土者要在知天時地利人事而已天
時旣經地利旣緯人事乃究夫水之性可順以道不可
逆以湮禹之行水用茲理耳方今治者徃徃反是此治
之所爲難也臣循覈河理自雍而豫出險之夷勢已濫
肆由豫而兗土益疏水益橫流而沙灣大洪口適當其
衝於是決焉而奪濟汶入海之路以去諸水從之以泄
隄以潰渠以淤潦則溢旱則涸此漕運所爲阻也然欲
驟而湮則有不可故潰益潰淤益淤莫之救定反成隆

池臣今措畫惟宜首䟽水勢勢平乃治決決止乃濬淤
繼因多方以時節宣俾無溢涸法必如是當可有成詔
曰可有貞乃相水勢爲閘以制之渠以䟽之渠有分合
閘有上下渠起張秋西南行至大澗潭踰范暨濮又上
而西數百里經澶淵以接河沁因其過者節之微者導
之使趨于平旁流不順者堰之於是水不東衝沙灣乃
更北出以濟漕渠阿西郵東曹南鄆北出沮洳而資灌
漑者爲田百數十萬頃奏蠲濱河民馬牧庸調以省軍
費蓋三年而告成有貞嘗築一決口下木石屢矣探之

無有也有貞性之一僧居山中有道術有貞性叩馬僧
亡所答第云聖人無欲有貞沉思竟日而始悟曰僧蓋
言龍有欲也此其下有龍穴吾聞之龍惜珠吾有以制
之矣鐵能融珠乃鎔鐵數萬斤沸而下之龍一夕徙而
決口塞夫有貞知制龍欲而不知龍之以欲見制人也
功成景帝召對褒勉進左副都御史其明年景帝不豫
步覽乾象知上皇之必復與后亨諸人比以奪門功陞
兵部尚書華蓋殿大學士封武功伯食祿千一百石世
指揮使入內閣有貞性褊而氣傲既復上皇遂殺于謙

盡逐內閣諸大臣陳循故爲知己譴戍去居首相僅半載與亨等大相左時李賢爲次輔旁助有貞稍持正亨等大不悅因并譖二人于上並逮詔獄是日雨雹大作大風拔木上知二人寃謫有貞廣東參政賢福建參政有貞旣行有以匿名書謗國是語侵亨等上復入亨言逮有貞選下錦衣益拷問瀕死將坐大辟雷震承天門聲徹後宮上天恐乃下勅赦之流金匱有貞初遇異僧受廣利支天法奉斗母至是其術有奇驗云有貞謫金齒四年復指天象語人曰曹石禍作矣是慘於我我且

歸而石亭盆死獄家籍是年冬有貞赦還里而又二年
吉祥之族滅有貞時尚壯負其才復冀召用以將星在
吳地惟已可當之每早起輒使鐵鞭數十回當運甓及
聞韓襄毅鎮兩廣乃投鞭太息曰孺子能將乎吾已矣
居常鞅鞅醉酒則逃屋馳走連聲呼曰人不知我嘗觴
其門下士杜董醉問曰汝謂何等人可作宰相董謝不
知有貞曰左邊堆數十萬金右邊殺人流血而目不轉
睛者真宰相也有貞負文武才臨事敢爲有經畧常自
歎惜不見用然天下人惜于謙者時時切齒有貞以故

里居十餘年上竟弗肯召而人亦無推轂之者晚乃放浪山水間頗以詞翰著聲竟鬱鬱不得志而死

論曰有貞善天文地理之學自謂無遺筭其治河亦號能史至南遷之說抑何舛錯懦弱也爲相日裁冒功濫賞似矣已獨先冒濫焉屠剪勲賢快志報復傳曰不能三年而思小功其有貞之謂乎

王驥字尚德東鹿人也永樂四年進士驥長身偉幹多膽力便騎射曉暢戎略選授兵科給事中使山西奏免徐清塩池逋課二十餘萬山西人德之尋遷山西副使洪熙改元召入尹順天陞行在兵部右侍郎滿九載進尚書正統元年坐議邊事五日未奏與侍郎鄺楚同逮下獄尋釋明年奉命出行邊時西虜阿台朶兒只伯寇甘涼都督蔣貴與都指揮安敬追至魚海子將及之敬畏虜不敢前請於貴以前途無水草退還巡邊都御史羅亨信劾奏上故輟驥部務令以便宜行事出視師驥

至見邊防闊甚嘆曰如此而欲虜無侵軼難矣翼日大會諸將轅門問曰先日大軍逐虜于魚海先退者爲誰衆對曰都指揮安敬驥顧左右引敬出斬之誓於衆曰自今遇敵有不前者視此且謂貴曰公亦當死責狀以報於是諸將士股慄驥乃分兵畫地使諸將各自防禦會有別部把禿孛羅冠莊浪都指揮魏榮遂擊走之而悉收其男女孳畜歸驥閱士卒冗弱汰其三之一而定爲更番上代法省輸輓驥以二月出八月遂還京九月阿台謀知復入寇上復勅驥往驥勒大將將貴爲前鋒

將精騎深入與貴約曰若不努力破敵毋相見也驥
都督任禮等犄角虜營急擊破之斬捕首虜多阿台走
死上勞驥以金幣加兼大理寺卿支二俸詔還理部事
麓川宣慰思任發叛廷議遣官往諭降而宦者王振方
用事慄賊喜功驥探知振所嚮主戰議振大悅制詔拜
蔣貴征蠻將軍以驥總督軍務大發東南諸道兵十五
萬討之有司計儲餉期盡賊止賜驥明光鎧一雕弓一
蟒繡緋袍一驥至謀於貴分道並進會上江夾攻賊擁
象馬數萬來拒因風縱火遂大破之斬馘五萬餘級長

驅至麓川思任發獲其子思機發竄緬甸以大捷聞是
時維摩州蠻韋即羅叛稱廣新王詔驥旋師討之驥遣
偏師至韋即羅走安南驥傳檄入安南捕之安南王懼
刲其首來獻驥還京上犒宴奉天門封靖遠伯食祿一
二百石予世券貴亦進封定西侯驥回思任發父子
率餘衆往來覲故地上面諭驥曰勞卿再一行耳驥
悉諸軍至緬思任發復不可得僅擣其寨而還上猶加
獎勞焉十三年思機發反孟養驥率大軍復至孟養
斬獲出箝思機發父子終不可得有衛學訓導詹英官

上言驥等輦重至役夫六百人多散綵幣於其屬
使責重報鹵蠻登輒闕之以爲已役大軍十五萬一日
起行因而相蹂踐有至死者又每軍使負米六斗跋涉
山谷有自縊死者師抵金沙江彷徨不敢渡旣渡縮朒
不敢攻攻而失却指揮洛宜指揮翟亨侯賊解散多捕
漁戶以爲賊俘此何異李宓之敗而楊國忠以捷聞也
奏下法司中貴人振內主之停獎勞而已尋改驥領平
蠻將軍討貴州苗獲其僭稱刻平王者檻送京師僂之
加歲祿百石土木之難群臣廷劾中貴人振不道株及

驥景帝初召爲總督南京機務位寧遠伯任禮上南京
素習嫻情戎務廢弛驥至一以所御軍法教之爲一新
而大司馬譟弗重也因事解其任奉朝請上雖罷驥而
內猶嚴之時禁私役閹人俱令籍入宮惟黔國公寧陽
侯得留四人驥獨留六人驥老且八十食肉躍馬多從
女伎供張奉御如王公而會石亨等奉太上皇南宮而
驥與焉復領兵部事加號奉天翊衛推誠宣力守正文
臣階爲元祿餘如故數月復請老又三歲乃卒年八十
三贈靖遠侯謚忠毅子瑞嗣成化七年卒瑞子添尚書

善長公主拜駙馬都尉瑞卒嗣爵十五年卒子憲嗣正
德元年卒子瑾嗣

論曰高皇帝既定天下約曰文臣非汗馬勞無得封公
侯伯七八十年封者重數人至于今世世弗奪者惟靖
遠耳獨以麓川得之嗚呼何以封哉

王越字世昌潯人也景泰二年進士越廷試日對策方
屬草忽大風起攝其卷雲表頃不見及秋朝鮮貢使來
王方視朝有旋風捲一物而下則皇朝進士卷也異
取附其
聞景帝閱而得姓名謂吏部曰識之此
當任風憲授監察御史越軀長七尺餘問奏對徹聲櫛
世間士數日屬之入順四年超遷山東按察使非其志
也七年人同虜警帶雍方解鎮還却上欲得代雍者而
知其人輔臣賢舉越上召越還越見上故偉服而知其
伏上熟視喜曰可使弁而將也遂進右副都御史行巡

撫越爲人多力善騎射好談說經濟大畧至大同脾睨
銀助趣有抵掌封侯意虜已退去而越益爲修飾備
示士馬器械北比整矣以病告召還京成化三年協
土院事久之乃以總督出視師延綏輕騎襲破虜於崖
赤川俘斬首虜百四十人遷左副都御史已又破之於
黃草梁俘斬首虜百二十五人進左都御史賜蟒衣前
是文臣視師從大軍後出號令行賞罰而已至越始多
選驍勇跳盪武騎爲腹心將而與虜搏謀虜累重所聚
山炳之或剪其零騎數見功越於是儼然稱大將矣八

年上以兵部尚書白圭言欲搜套遣吏部侍郎葉盛詣
越議越以非已始謀不見功托言虜退久士馬憊暫休
息且請於上偕盛還京越還虜驟擁衆渡河寇章州上
亟命越還鎮越謀虜盡出他掠妻子老弱巢於紅鹽池
討可襲而取也選萬騎齎七日糧晝夜行可二令即留
數百人伏毋更二舍輒如之行抵虜帳萬騎齊竦斬首
三百餘級馬牛羊甲械以萬計焚其廬帳而還虜歸相
何慟哭悉力追我越結陣徐行殿者陽與戰及前伏起
入與戰再三遇伏不及支乃還走渡河去虜自是不敢

以居套內者二十年則此捷爲所震懾故也言官猶論
越爲幸勝濫功品勿問明年始加太子少保越乃抗言
紅鹽池之捷爲故尚書白圭抑沮將士功大賞輕乞移
臣官償之余子俊乃爲越請進兼兵部尚書尋加太子
太保越附權璫汪直直方與遼東巡撫都御史陳鉞破
建州夷大封賞越黜之十六年春虜首西紀遘越謀於
直請出大同捕虜以保國永爲總兵官越與直爲監督
越謀虜有在威寧海子者乃給永山它道身與直率輕
騎乘雨雪襲擊之斬首四百三十有餘級禽男婦百七

丁人捷聞進封威寧伯祿千二百石予誥券永師至松
林無功而還越既封不當復領都察院而御史許進等
上章稱越功德引王驥楊善例請仍領院事而越亦不
肯統西班牙欲仍列大學士萬安吏部尚書尹旻下許之
而是後屢與直奉命出師十七年出寧夏禽虜十人斬
首百十三級獲馬七百餘匹廷議文臣伯以上不得進
封加太子太傅增祿四百石錄一子錦衣百戶是役也
功少當濫直在事故而越駸駸欲得侯遂改右班改署
前軍都督府總督團營於是萬安劉吉等側目越而越

是年八月遂掛平胡將軍印兼總宣大兵出延綏分
二道敗虜于塔兒山火窩梁三里塔諸處斬首虜最多
虜亦創懼不敢近邊捷聞僅加祿五十石上稍知直干
權賞直亦薄而龍少衰矣尋改越征西前將軍鎮大同
不獲稱大帥而猶與直共一鎮大學士萬安等乃請移
越帥延綏延綏帥許寧改大同越既去直直與寧不相
能上乃勅責直降直南京御馬監於是給事御史交章
論糾直併紘越詔削越官爵奪誥券編管安陸是時文
臣佩將印獨王驥與越耳越顧多智有材略其於塞隘

夷險虜情真僞將士材否定諸胸臆覈如指掌身經十
數戰輒勝家人子弟善騎射者數百十人皆厚遇之樂
爲死又能籠罩顛倒豪傑使爲用嘗過陝秦王安之奏
伎越語王下官之爲王吠犬久寧有以相酬否因盡乞
其伎女歸一日大雪方坐地爐使四伎抱琵琶捧觴侍
一千戶調虜還卽召入與談虜事甚晰大喜曰寒矣手
金卮飲之復談則益喜命絃琵琶而侑酒卽併金卮予
之已又談則又喜指其中最姝麗者曰欲之乎以乞汝
自是千戶所至爲效死力越之豪爽豁達乃能使使雄

多類此居恒喜奢華自奉比諸侯王在安陸與還潯
田池射獵帳飲聲樂如故而功名志不小袁孝宗登極
赦還鄉弘治七年越上疏自列復左都御史致仕十年
西虜火篩入寇肅州邊將禦之連敗走廷議宜設總制
官諸大臣連薦數人弗稱旨吏部屠濬欲薦越謂馬文
升曰此擔湏用此輩人擔遂以越名上上曰越老尚可
將也特召拜太子太保仍兼左都御史總制甘肅寧夏
延綏軍務越至軍飭兵出襲賀蘭山後虜大破之斬獲
夥加少保太子太傅越請復哈密封以兵援其王還國

詔從之無何卒于軍越初以附汪直大封拜至是納交
李廣乃得再起越冀立功復伯爵會廣死言官論廣之
奸黨咸首越上以邊計重寄置勿問而越不勝憂恚故
遂卒而伯爵遂不得復贈太傅謚襄敏

論曰余聞之介州當越時天下咸貴其才西北邊稱良
將無如越者楊一清王瓊方之茂如也今人之譽越者
以彼好附權璫故彼自媿快其功名且欲逃名于縉紳
君子尚安得以縉紳之功令而苛責之也

時越總三邊有詩曰世間惟有征夫苦天下無如邊

寒寒髮爲胡笳吹作雪心因烽火煉成丹是時言者
遂以此論其怨望云

皇明史竊卷之第九十四

文苑李何徐邈鄭列傳第七十二

東莞尹守衡著

蓋史傳之有文苑也自范曄氏始其後史家因之問有
雄才大篇時推作者則具載其傳中誠豔稱之不曰壯
夫不爲也今天下學士大家言文者獨周秦東西京止
耳唐以後無文言詩者獨唐有耳宋元以後無詩嗟夫
氣運原自有古今執韓柳歐蘇而必責之以升屈賈之
堂入馬班之室何苛也尚論我明高皇帝嘗問劉基曰
今天下文人爲誰基曰宋濂第一其次臣不敢多議兩

公者亦何必其爲屈賈爲馬班哉即想其時吳之四傑
粵之五先生不可謂非開國之人豪也爰及太宗風不
在下鮮大紳方希立並稱赤幟宣成之際士多本質以
是楊文貞丘仲深世尊尚之爲崇蘭體矣敬皇時四海
梁肉百官委蛇人各以其暇日肆力於簡冊翰墨之間
諸司各屬徃徃名尙崛起與館閣爭衡北地倡之信陽
嗣響昌穀上翼庭實下毗詩窺正始之途文守先恭之
則康德涵王子衡輩畢力追逐鼓吹盛美以故嘉靖之
季七子建其前茅三甫執其轡州翩翩乎孰不可稱焉

筆之彥乎孟軻氏曰誦其詩讀其書不知其人可乎余
故爲傳文苑有傳已見別卷不計其

李夢陽字獻吉慶陽人也弘治五年舉鄉試第一明年
成進士授戶部主事夢陽生有快才志希千古居燕中
自以其文爲招與四方名士集爲社作古文詞當是時
人握玄珠斌斌特起遂成風致夢陽倡之也十八年詔
求讜言夢陽疏陳二病三害六漸言天下之勢譬之身
也欲身之安莫如去其病欲其利莫如祛其害欲令終
而全安莫如使漸不可長今天下爲病者二而不之去

也爲害者三而不之祛也爲漸者六而不使不可長也
乃顧汲汲曰是奚不安也奚不利也奚不令終而全安
也是何異於不藥而求病愈於戲其可畏也哉何謂二
病一曰元氣之病夫元氣之病者何也所謂有其幾無
其形譬患內耗佚未及發自謂之安此乃病正元氣臣
竊觀當今士氣頗似之故曰元氣之病夫孔子曰邦有
迫危言危行今人不喜人言見人張拱深掛口訥訥不
吐詞則目爲老成又不喜人直遇事圓巧而委曲則以
爲善處是以轉相則倣翕然風靡爲士者口無公是非

後進承訛踵弊不復知有言之實矣如此尚得謂之不病乎且大臣者庶官之表而民之望也今大臣則先不喜人言又惡人直夫諫官得以風聞言事者也今大臣被彈劾則率廷辯以求勝此何體也往大臣有親之為服除非詔不起今大臣服除自起矣如此尚得謂之有禮義廉耻耶夫無禮義則佞人進乏廉耻則國無防佞人進則因循互相欺詆國無防則紀綱不張臣竊謂此病不治必積漸不可救藥故曰四夷率侵百姓未離刑政未墜疆域未蹙而國危主憂此臣所謂元氣之病

也。二曰腹心之病。夫腹心之病者何也。攻之則難攻。不
攻則亡身者也。臣竊計今事勢。內官者腹心之病。一
內官者陰性而狠貪。其地逼近。又朋比難窮。臣故以爲
腹心之病。夫倉廩場庫錢穀之要也。今皆內官主之。陛
下以此輩爲忠實可用。耶抑例不可廢耶。夫例誠不可
廢。每處置一二輩足矣。今少者五六輩。多者二三十輩。
何耶。且夫一虎十羊。勢無全羊。况十虎而一羊哉。今有
司撻發其奸。幸陛下洞見其情。實外議。歛曰是必不放。
不且竄斥。今數月矣。猶閣而不行。夫人情莫不遮於潛。

而玩於彰彼未撻發奸尚有嚴心今其奸業撻發之矣
不置之法又不竄斥彼何所憚而不爲乎昔人有言曰
官官有罪不可赦有缺不可補言難除也今皇城之內
通名藉者幾萬人焉亦多矣陛下又勅禮部選年十五
以下卑身男子五百名將安用耶嗚呼此其禍可勝道
哉夫滅絕人類則必戕天地之和戕天地之和則災害
必至災害至則五穀不熟人民離散天道乖於上人心
怨於下而陰狡狼貪之徒無忌妄行於中而國不危者
鮮矣臣故曰內官者腹心之病也今誠欲腹心安莫如

剗內官之權欲剗內官之權其如有罪不赦有缺不補傳曰治未病不治已病今固已病也而猶不治是可惑也已何謂三害一曰兵害夫兵害者何也臣以爲冗食而無補空名而鮮實也夫強本者所以弱枝也今在京之兵舊分三營蓋帶甲控弦者數十萬焉意固欲以強本也然至正統已已纔數十年耳拔之乃僅得十二萬焉亦寡矣於是有十二團營之名團營至今又纔數十年耳日者遣將北伐拔之不滿三萬焉然其腰鞬弓刀不全也騎上則牽露骨馬旋置鞍轡夫兵數不減於前

食之者增也。一旦而狼狽若此，何也？官不恤其軍，豪勢
多占使遠者逃，近者潛職司不以報糧籍不開除，又壯
丁各營其家，老弱出而應黜，宜其食之者增而用之者
寡也。臣故曰兵害者冗食而無補，空名而鮮實也。夫騰
驤四衛者，今非所謂內兵耶？外官既不與稽其數，征役
又不選用其丁，故其人率富豪而氣驕，夫內官者陰狡
而狠貪者也。以富豪氣驕之人而率之以陰狡狠貪之
徒，茲其害可忍言哉！且夫錦衣衛瓜牙之司也。今內官
之家人子弟官之團營兵之精也。內官參之內兵，又其

專掌之陛下乃何獨而不爲之寒心耶古人有言曰官
惟資賞惟功今團營把總號頭等孰非內官之私人乎
彼其家人子弟抑孰非詭託冒官也乃遂令布列要地
爲瓜牙乎諺不有之曰萌芽不伐將折斧柯燬火不撲
燎原奈何言貴豫也陛下誠於此時查往年李王事例
仍置總兵官使叅掌內兵又禁團營自今不得置其私
人詭託冒官自首者聽罷免不問如此則威立而恩亦
流所謂銷患於未形計之上也二曰民害夫民害者臣
以爲歛重而民貧又貪墨在位恩不下流也夫人未有

無所賴而生者也。今百姓甚苦無賴而有司者不之恤也。歛之不問貧富也。役之不問勝否也。曰是爾職焉。夫是故富者剝削貧者。稱貸稱貸之不足則必鬻子鬻子而不足則必逋竄。一旦棄父母捐親戚。皆鄉鄰并愁怨之聲。上千天和則必有水旱風雹之災。逋者不還居者縲絏而牽連則必有無辜暴露之屍。臣故曰民害者重歛使之也。夫內府供用有常數也。今較之弘治初年費止十倍于前。此何也。蓋下者効上者也。取贏者未有不羨者也。今旣十倍于前。則戶工二部科派必又倍矣。下

之州縣必又倍矣。百姓輸納又有秤頭等必又倍矣。又經內官必有賄賂是益又倍矣。於乎民日貧而歛日積當道不若言以聞有司乘機而肥其家如此而猶望其治是真却步以求前耳。陛下前嘗降旨存問矣然簿數不減也科派不省秤頭如故賄賂公行無憚此所謂空名而實禍也。臣故曰貪墨在位恩不下流者此也。三曰庄場畿民之害臣伏觀洪武初年詔曰直隸拋荒地聽民開墾永不起科夫民旣自開墾之矣不可謂非其田矣。今皇親之家謂非其田也請之朝廷朝廷亦謂非

其田也率卽賜皇親家皇親家旣奉天子命爲已有乃
輒遂白奪其田土夷其墳墓毀其房屋斬伐其樹木於
是百年土著之民蕩產失業拋棄父母妻子千里之內
舉蟻然不寧矣夫皇親與國同休戚者也而祿非不豐
貴非不極也祗以區區之田損害赤子動搖基本如此
是不欲與國同休耶嗚呼亦甚矣昔魯廐焚孔子見之
但曰傷人乎蓋貴人賤馬也今薊州牧馬草場與百姓
爭阡而競畝尺分而寸割之臣竊悲也是何賤人而貴
馬也夫草場數千頃地耳今三遣官矣百姓連年坐勾

攝轉相牽連妨廢本業男不秉耜女不上機賣男鬻女
尤弱轉死坵塗者過半矣嗚呼是何賤人而貴馬也臣
竊計今事勢萬無百姓侵官之理設有之所辦亦官租
耳非若皇親之家占之爲已有也臣謂宜置而不問且
百十年土著之民一旦逐之使去陛下忍爲此耶夫王
畿天下之本也今以數十百頃之地失黔首之心傷陰
陽之和臣固知陛下不忍矣陛下幸哀憐聽臣愚計勅
戶部查景泰六年勘官馬誣奏內事理以前項田土仍
給民徵租但以空閑草地牧馬爲便何謂六漸夫六漸

者一曰匱之漸夫匱之漸者何也臣以爲兵運然耳然
又苦浪費今各邊用兵以將則庸以卒則罷糜財而無
功曠日而損威而錢穀吏俛首供給莫敢如何稍有不
繼則軍吏諉以自解是故倉廩不足不曰兵者糜之也
曰是錢穀者之誤之也錢穀者不曰已誤之也曰是無
米而求粥也於是始有和買之議矣和買而不足於是
有乞運之例運而又不足於是乞內帑之銀臣始至戶
部太倉庫銀尚百七十餘萬今銷耗且過半矣然而乞
者未已也由是積漸而不止雖欲不匱烏可得矣夫今

疆土不蹙於前也又鮮大寇非有若匈奴突厥者也竭
下之力以供邊而日猶不足此其故何也糜財而無
功曠日而損威者爲之也夫錢者泉也言流也散於上
則聚於下公家削則私室盈今京城內外千觀萬寺亦
熾矣顧又不止彼左右侍臣孰非造寺者也動孰匪以
鉅萬計諺曰十入一出今彼鉅萬出則其入不止於鉅
萬明矣夫上惟風下民惟草今方春氣和耒耜在野墜
下乃不發倉廩助其不給賑其不足顧過察寺觀勅給
費修葺之是道民以奉佛也彼以鉅萬入者又何憚而

不造寺也。夫智者察微。今貨入而於私室矣。又出而造寺。觀矣。設卒有水旱之警。兵甲事興。內取則已。匱外歛。則民窮。臣不知陛下計所出矣。故曰又苦浪費者此也。二曰盜之漸。大盜之漸何也。臣以爲其幾在民窮。夫盜者非不知法當死也。彼以爲往固無食矣。今盜而得食。即死不猶愈於餒乎。往固無衣矣。今盜而得衣。即死不猶愈於凍乎。往有租調官司之轄矣。今盜而得自由。不猶踰于追繫鞭笞之乎。夫天下無智愚。強弱舉。俛首捧心以事我者。以有法維之。且畏死也。今旣死而踰于凍。

餒追繫鞭答之則彼亦何所不至耶故以臣之愚竊計
今事勢非但憂盜將必有大患大患者何所謂有亂之
機無亂之形也夫今天下無不臣之邦四夷無不庭之
國百官奉職筐篚歲至太倉有紅腐之粟武庫之兵朽
而不用又無方二三千里水旱之災也然而嘯聚殺人
劫縣燒村剽掠婦女者日相聞也假如不幸而有方二
三千里水旱之災武庫乏兵太倉粟竭百官不奉職東
狄外侵海內有警則事勢又何如矣故曰有亂之幾無
亂之形嗚呼此亦可以寒心矣臣謂宜趁此急選良有

神恤饑賑寒以安民心又密令整飭城池軍馬以伺緩急之變夫安不忘危霸者之畧有備無患聖王之政况今承平日久民不知兵萬一有慮外之警有如平原睢陽之倫乎臣故曰計今事勢非但憂盜將有大患者此也三曰壞名器之漸夫壞名器之漸者臣以爲黜陟失制也夫明王懸爵賞以待天下之賢將以奉天而理民也故曰五服有章自天命之示非我也又曰爵人于朝與衆共之明至公也是以古之英君寧損百萬之費而靳一節之拜其意亦謂此耳而今乞官者官乞蔭者蔭

黜其父者陟其子黜其祖者陟其孫臣不知陛下計所
出矣夫蔭者所以報功又示勸也今黜者旣陟其子孫
則有功者何勸焉是以高其爵不足以勵廉平賞不足
以諷貪緣鑽刺之風旣行而廉耻名節之士遂寡且陛
下何利於斯而爲之也夫大學士萬安前侍先皇帝醜
穢彰露陛下踐祚之始嘗令內官逼脫其牙牌逐之去
矣今而蔭其子爲丞臣不知報耶勸耶且陛下何利於
斯而爲之也夫薰蕕同器不知有薰蕕汚並賞孰肯爲
廉陛下若謂天下之大何怪此一官則所謂敝袴之藏

繁纓之惜者皆非耶惟名與器不可以假人臣故曰壞
名器之漸者黜陟失制也四曰弛法令之漸夫弛法令
之漸者臣以爲舛與玩爲之也夫舛莫大於縱罪玩莫
大於長奸昔者舜爲天子其父瞽瞍殺人孟子以爲士
師執之爲舜者但宜竊負而逃蓋法者公之天下受之
祖宗者也掌於士師士師不得而專也出於天子天子
不得而私也是故士師可以執天子之父而爲舜者不
可私其親襲者犯人王禮擅搶夷僧貨物損辱國體傳
笑外邦獄案已具法所不赦也陛下何從而赦之耶以

爲無罪則固已追償其貨直矣以爲有罪未聞有罪而赦之者也有罪而赦之是縱罪也縱罪則奸長奸長則政舛政舛則民玩民玩則令慢令慢則法弛此古之所大忌而今之所甚忽也夫忌莫大於刑忽莫大於私何則刑天討也公天道也王者不私其天故罰一人而千萬人懼諺曰勿謂尺五後且不補臣故以王禮之赦爲弛法令之漸五曰方術眩惑之漸夫方術眩惑之漸者臣以爲去之不力則誘之必入也夫自古帝王享國長久者畏天而憂民也非以奉佛也康強少疾者清心而

寡慾也非以事仙也且陛下獨不見梁武唐憲乎梁武帝奉佛最謹然罹禍最慘唐憲崇事仙又最謹然年又最短此其明効大驗彰彰可考者而今創寺創觀請額者陛下弗止也比又詔葺其地廢臣不知陛下乃何所取於彼而爲之也夫真人者太虛無爲之名也今酒肉粗俗道士陛下敬重之如神尊爲真人文法王佛子等並肩輿出入珍食衣錦陛下踐祚詔曰僧道不得作醮事扇惑人心堂堂天言四海誦焉夫陛下神心睿姿不臧於前也乃今復爾者臣故知有誘之者也夫去之不

力則誘之必入譬若鋤草不盡反滋其勢陛下奈何去
之不力而反使之滋也夫誘者必曰其道妙又其法靈
今天變屢見于上百姓嗷嗷於下邊報未捷倉庫匱乏
信如真人國師道足以庇法足以祐陛下何不遂一試
之且彼能設一黜嘿一法使天變息而嗷嗷者安乎此
固必無之事而陛下不察反聽其誘此臣之所以日夜
悲心者也六曰貴戚驕恣之漸夫貴戚驕恣之漸者臣
以爲其防決也夫水防惟土國防惟禮水決則潰禮決
則陵昔者高皇帝制皇親令曰皇親之家不得與政臣

嘗伏讀嘆息以爲聖王不易之論及退而考夫頒祿列
爵則又使大貴而極富已又考其器度田奴之等則又
不使踰也臣於是又嘆曰是所謂禮之防也夫皇親與
國至戚也不宜有間今顧制禮以防之者臣以爲此固
保全而使之安也今陛下至親莫如壽寧侯所宜保全
而使之安者亦莫如壽寧侯乃顧不嚴禮以爲之防臣
恐其潰且有日矣夫下替則上陵今壽寧侯招納無賴
罔利而賊民白奪人田土擅拆人房屋強虜人子女開
張店房要截商貨而又占種益課橫行江河張打黃旗

勢如翼虎此謂之不替可乎替則陵陵則逼太逼則法
行且今側目而視切齒而談孰非飲恨于壽寧者也夫
川潰則傷必衆萬一決行陛下雖欲保全而使之安得
乎臣竊以爲宜及今慎其禮防則所以厚張氏者至矣
亦杜漸翦萌之道也疏入昭聖大怒后毋金夫人泣訴
上曰李主事疏末稱張氏斥后也大無人臣禮上下憂
陽詔獄尋釋之罰俸三月上遊南宮皇后皇太子及金
夫人從壽寧侯鶴齡入侍酒中上召鶴齡促膝語左右
咸莫聞知鶴齡免冠觸地謝蓋上督責之也嘉陽一夕

醉遇壽寧侯於塗罵侯生事害人以鞭稍擊墮其齒侯
患甚欲陳上爲前疏未久隱忍而止後嘉陽有詩云半
醉唾罵文成侯指此武宗嗣位轉負外郎進郎中正德
二年尚書韓文欲率諸大臣論劾諸閣嘉陽爲文草疏
瑾大恨之矯旨降山西布政司經歷致仕尋以他事械
繫下詔獄時瑾獨敬禮翰林修撰康海海特爲之屈志
瑾乃解免瑾誅起爲江西副使提學嘉陽初罹瑾難氣
節重一時及督學江西徃徃負其材氣自高而弗能下
人都御史俞諫以征諸崗賊來總督用二廣例抑諸司

長跪夢陽獨植立諫怪問足下何官耶夢陽徐答曰公
奉天子詔督諸軍吾奉天子詔督諸生竟出已與巡按
御史江萬實隙相訐奏下藩臬會勘夢陽即率諸生手
銀鐙欲鎖御史御史杜門不敢應布政使鄭岳故與夢
陽不相能欲持之事未及竟寧王濠常托詩文與夢陽
交懽心知夢陽不平從中出擬岳後執岳門下人入府
中拷治索岳平日事求麗於法奏遣大理寺卿燕忠下
訊人於是以夢陽陰喊濠傾岳也燕忠大罵夢陽曰汝
前劉瑾之難無問識不識咸壯焉而今顧爲此爲天下

士大唾罵耶嚙罵者祇以汝操上人之心要便宜耳若
獨不聞老子術耶退一步是已夢陽不答燕忠已案諸
左證簿責夢陽謗果白然諸所連坐忠不能無出入夢
陽不服大言曰諸瑣瑣勘畢矣然非元氣所係紀綱之
關也必於激濁揚清之內而暗寓扶陽抑陰之義使彼
知朝廷有不可罔之法天下有不可屈之節古今有敢
爲之男子無能逃之貪吏然後能懾服勢雄係屬渙散
潛泯亂階忠目視之不聽岳卒視職去夢陽文致間住
濠敗連夢陽刑部尚書林俊力救之乃得無恙夢陽竟

以傾岳故不滿士論坎壈終其身子枝字伯材善文賦
有父風舉進士由主事左官州同知而罷夢陽文章自
負爲一代主盟勇於復古在京師與信陽何景明迺張
旗鼓時人稱李何然兩人各自成家景明謂夢陽曰子
文高處是古人影子耳其下者已落近代之口未見子
自築一堂與自開一戶牖但能守古而尺尺寸寸之以
何急於不朽夢陽曰子不見古之爲工者如倅如班堂
非不殊戶非同也至其爲方也圓也弗能舍規矩何也
規矩者法也僕之尺尺而寸寸之者周法也假令僕竊

古之意盜古形剪裁古辭以爲文謂之影于誠可若以
我之情述今之事尺寸古法罔襲其辭猶班固僊之圖
僅方班之方而僅之木非班之木也此奚不可也阿房
之巨靈光之儻臨春結綺之侈艸楊亭寫廬之幽之寂
未必皆僊與班爲之也乃其爲之也大小鮮不中方自
也何也有必同者也獲所必同寂可也幽可也侈以麗
可也歸可也巨可也守之不易久而推移因質順勢融
鎔而不自知於是爲曹爲劉爲阮爲陸爲李爲杜即今
爲何大復何不可哉此變化之要也故不泥法而法常

由不求異而言人人殊易曰同歸而殊途一致而百慮
謂此也非自築一堂與自開一戶牖而後爲道也故予
嘗曰作文如作字歐虞顏柳字不同而同筆筆不同非
字矣不同者何也肥也瘦也長也短也疏也密也故六
者勢也字之體也非筆之精也精者何也應諸心而本
諸法者也不窺其精不足以爲字而矧文之能爲二人
言雖中若戈矛而功等藥石夢陽所著有空同集王元
美不可一世獨尊李于鱗至論空同則曰獻吉天授旣
奇師法復古手闢草昧爲一代詞人之冠

何景明字仲默信陽人也母夢赤日墮懷而生始能言輒囑記六歲能詩八歲能文人呼神童十五歲以尚書魁于鄉十九歲舉弘治十五年進士授中書舍人十八年奉敕呈哀詔使滇南還值瑾初用事許進爲冢宰瑾毋侵權景明貽書進曰乃者主上幼冲權閹在內天紀錯易舉動大繆上下之臣未見有秉德明恤俠義伏節者夫國有人曰實無口虛以今日觀之雖謂之虛可也其所繫大小之望致虛實之原寔惟明公之責頃聞權閹多干明公之正者議者難之或謂宜少自貶以爲

容夫自貶以爲容者患失者之所爲也孰謂明公表師
百僚堅立萬仞者而爲此乎竊爲明公畫二策一曰守
正不撓不容於權閹而去者上策也二曰自貶以求容
於權閹而不容於天下後世者下策也夫今之計止是
二者二者俱爲不容然守正不容可以激頽靡于當時
流聲烈于後世損少而益者多自貶求容則頽靡益恣
聲烈且敗益少而損者多二者曷重曷輕惟明公之自
擇焉瑾聞而啣之景明遂請告歸會十二艱瑾尋矯詔
免諸在告者官瑾誅李東陽乃薦起還職九年應詔陳

言曰邇者寢宮被災皇上兢惕勅諭群臣下求直言大
小臣庶仰見聖顏憂戚伏聽綸音痛切無不感動流涕
謂聖心感悟事當轉移悲喜相繼慰慶兼至然自勅諭
之後已將旬日未一視朝輔臣言官奏論邊軍番僧義
子數事一言未見採納一事未蒙施行臣觀災變之來
天道甚邇陛下上叩天怒下安人心如此數事宜急省
改今復處之晏然未見損減一二豈陛下感悟之心忽
萌而轉移之機復塞也臣民莫不失望中外實爲軫心
今聖躬單立皇儲未建內無手足相倚之親外無肺腑

可託之戚后妃不得當御公輔不得通謁乃日與邊軍並出入番僧義子同起居此皆今日創見先朝未聞也甲馬馳騁之場何如廣廈細旃之上夷狄邪穢之教何如文儒談諷於前樂茂厥此臣所未喻若義子則陛下寵幸之臣自古寵幸鮮能善後原其所繇盛滿爲忌陛下尤宜早爲裁抑明示區處使上者得保富貴其次得保首領義旣不失恩亦有終豈不美乎疏留不下時李獻吉對簿江西大爲衆所媒孽缺且成景明爲上吏部楊文襄書曰僕聞聖人哲士取人於衆惡明主顯相識

賢於集毀夫徇同情則獨行見遺實多口則廉節被黜
故匡章棄於通國而復與於孟軻卽墨汚於左右而受
封於威王孔子明公治之非罪安嬰脫石父於縲縶今
有操獨行秉廉節而十衆惡負集毀若李夢陽者明公
在上何可弗少加察而一援之也夫僕於慶陽非敢謂
其無過也自崇而弗下人太任而弗識時多憤激之氣
乏兼容之量昧致柔之訓犯必折之戒此其過也若其
飾身好修矜名慕義見善必取見惡必擊不附炎門不
趨利徑處遠懷不招之耻處近執莫麾之勇在野有鬼

置之武在公著素絲之直立志抗行秉心陳力威可尚
也前與御史相迂同黨交構恃其貞介不服文法遽延
無已固其自取而尊達至爲不悅縉紳靡然誹笑言官
亟詆於朝法吏深譴於獄惟恐摧之弗披而辱之弗窘
也嗟哉亦已甚矣謂深懲以全之乃底其壞歷責以備
之實求其缺謂其爲高好勝多事越位不卽攻之將爲
患害由此觀之仕宦之徒不貶損以就時游滑以希世
何能免於今之人哉夫讒言屢至慈母投杼浸漬之灌
可解膠膝僕於夢陽有肝膽之交聞於人言猶弗能無

疑明公之門夢陽不敢徑達雖有傳噎何由少白今京
師之士其弗知者則已流言傳訛昧形議影群猜共怒
一吠百聲持辯風起發言雷同矣間有知者則亦恐異
同於威要之吏以遭口舌之禍視爲秦越隨其軒輊夫
友同情以伸人格衆口以明物此其弗利也必矣孰肯
樂弗利而爲之哉昔孔融鸛薦乎禍衡汾陽解爵於李
白揚善登俊閔才舒困昭昭人代矣今夢陽之文藻才
辯誠二子之流匹而拘檢行止閑於禮義可以用世責
治二子弗若也乃窮辱摧靡卒無一爲之地者僕甚傷

之伏惟明公秉道服人積望鎮衆力可以移易範可以
表正采士民之議捐比附之論使邪枉無順遂之私廢
且無不容之嘆非獨夢陽之幸也國家斯文幸甚十二
年進吏部司封員外郎侍直如故明年出爲按察副使
督學陝西檄守令以教化爲首務語之曰君子不以作
人爲事但與俗吏伍耶有太守用刑於諸生父生救之
守怒坐之擅入公門景明曰子救父死且不避乃以不
應罪之夫人豈無父耶當大比方伯檄減舊額以節費
報之曰國家求賢本意似不如是此胥吏見耳竟不從

所試高第弟子集一書院日與論說六經肯意不拘拘
傳釋常曰緣泥枝葉而忘尋本根此末學之弊失益遠
矣邇虜諸縣博士弟子負往事皆調試于近地景明曰
卽如此是棄之矣躬臨洫之如內縣焉竟以學政勤勞
得心疾十六年六月棄職歸卒景明爲中書十餘年
名重於京師行誼甚高幸臣錢寧冒賜姓曰攝諸公卿
獨以古畫求景明詩景明曰此名畫不可點汚卒不許
友人師御史死中官廖鵬賄以棺景明却弗用曰奚以
汚吾友醢諸客購他材歛之鵬弟鸞出鎮關中席鵬羅

益橫諸叅隨騎遇藩臬大夫不下騎藩臬諸大夫一無
所問景明叱令笞繫責數之諸叅隨始人人歛避平生
手不持一錢讀書及夜分爲常歷仕十餘年不問家人
產死之日囊僅三十緡所爲文章與李獻吉齊名當代
王弇州曰仲默才秀於李氏而不能如其大景明有經
世才嘗著十二論以見志嚴治一上作二法行三任將
門勢成五功實六用直七敵
中八國權九處與十文多不錄景明常曰文靡于隋韓
策術十一心遠十二力振之而古文亡于韓詩弱于陶謝力振之而古詩亡
于謝人以爲知言

徐禎卿者字昌穀吳人也弘治十八年進士授大理

評事不能其職

改國子監博

士自爲諸生則已遊於唐伯虎文徵仲諸名士中

迨登第都人士

無不知有昌穀李獻

吉讀其詩嘆曰佳哉鏗鏘乎古之遺聲耶昌穀顧已

久慕獻吉遣使通謁曰願竊附于下執事即如日休龜

蒙輩走之願也獻吉答之書曰周易有言鶴鳴在陰其

子和之故人莫祥于同莫不祥于異故同聲者應同氣

者求同好者留同情者成同欲者趨何則感于入也足

下亦觀諸風乎瀏瀏焉其被草若木也颯颯溶溶乎草木之入風也故其聲鞀礧轟砰徐疾形焉大小生焉且孔子何人也與人歌善矣必反而後和何則未入耳今足下忘鶴鳴之訓違孔子反和之旨而自附于皮陸數子又強其所弗入僕竊謂足下過矣夫圖高不成不失爲高趨下者未有能振者也矧足下負千仞之具哉曷穀於是復獻其所作反反騷以難楊雄貽書論之曰僕少喜聲詩麗通於六藝之學觀時人近世之辭悉詭於是惟漢氏不遠逾古遺風流韻猶未有艾而矧朝問巷

之歌多可誦者僕以爲如是猶可不叛於古乃據其情之愚竊比於作者之義今時人喜趨下率不信古與之言不盡解故人不輸其說恐爲伯牙所笑乃一日遇足下而獨有取焉何也足下又謂僕閑於賦頌之文夫賦頌者誠文章之瑰瑋予心之所希艷也始吾誦屈子之文以爲詩之變也然麗而不淫哀而不怨蓋無惡焉及誦司馬長卿之言靡麗浩蕩不可窮渙雖絕特之觀非盛世之所見也雄於長卿何所樂美乃蹈襲名其文而原何戾忒又作賦以反之此予所未喻者藝家之風

好相誇嫉後世之文不待馬楊而好嗤之自護其醜若
趙人之持其璧而不肯下也豈不重可笑哉今足下責
僕以相麗益此古之道也今何復見之僕愚戇何敢自
愛若反覆相示或大有疵謬輒抵毀去不猶愈於後人
之詆笑乎且文辭之貴賤存乎其人雒邑之鼎諸侯爭
之非出之貴周貴其出也若徒務瑣切之華而不責其
實則恐爲楊雄之玄徒取病於後世耳梗楠豫章之材
所用於世者貴其實也僕雖驚德竊嘗志於是其必本
道德之衷遵作者之度以繅繭縫衣生物而已豈蟬口

之所鼓譟乎居之而不疑想足下與吾共之也昌穀抱
世侵血不華也一日諷道書若有得也嘆曰徒弊精於
無益而忘其身之斃也可乎於是盡謝棄其所爲文章
習養生有道士自西南來昌穀與語悅之自謂長生可
必王陽明先生故與昌穀善也昌穀語先生曰吾授異
人五金八石之秘服之冲舉可得也子且謂何先生笑
而不應昌穀曰吾隳黜吾昔而游心高玄塞兌歛華而
靈株是固斯亦去人之兢兢於世遠矣而子猶予拒何
也先生復笑而不應昌穀默然者久之曰子以予爲非

耶抑又有所秘耶夫居有者不足以超無踐器者非所以融道吾將去智故而宅於埃壚之表予其語我乎先生曰謂吾爲有秘道固無形也謂吾謂予非予未吾是也雖然試言之夫去有以超無無將奚超矣外器以融道道器爲偶矣而固未嘗超乎而固未嘗融乎夫盈虛消息皆命也纖巨內外皆性也隱微寂感皆心也有心盡性順夫命而已矣而奚所趨舍於其間乎昌穀首肯良久曰冲舉有諸先生曰盡鳶之性可以冲於天矣盡魚之性可以泳於川矣昌穀曰然則有之先生曰

盡人之性者可以知化育矣昌穀俛而思蹶然而起曰
命之矣吾且爲萌甲吾且爲流澌子其煦然屬我以陽
春哉數日謝先生曰吾不遇子幾亡人矣道果在是吾
疾且作奈何亡幾時卒年僅三十三陽明先生曰昌穀
之學凡三變卒乃有志於道惜乎吾見其進未見其至
爲誌其墓所著有談菴錄李夢陽序之以爲麟鳳芝寶
世所希邁見云

邊貢字庭實歷城人也弘治九年進士初授太常博士
歷官南京戶部尚書貢風神藻雅與李比地何信陽皆

以詩文爲國士交而酒於酒旣爲大司農遊歷留司諸
山水竟日夜南京巡撫汪鋐論其嗜酒曠職月視事無
三日詔致仕貢歸日與豪士浮白唱和醉則兩妓肩臂
扶路唱樂觀者如堵不爲怪僻於求書所搜積金石古
文幾徧牙檝數萬卷一日偶遭回祿焚幾盡貢方抱疾
仰天大哭曰嗟夫甚於喪我也疾遂篤尋卒

鄭善夫字繼之福州人也弘治十八年進士初授戶部
主事武宗初中官柄用遂請告正德十三年起改禮部
選貢外郎十四年上將南巡又請告歸過浙聞孫山人

死走道場山中哭之過道越中山水踰數月乃還善夫
氣秀巖谷發情解詩古色精言高映霞表養疴自適樂
負高標故其詩曰行年三十髮已改有懷突兀時多違
有遺世之想焉一日與友人期曰明年海上有紫氣東
來是吾觀化至矣友人大訝之嘉靖改元薦起南京吏
部郎中赴官中道卒吁亦奇怪也哉善夫爲人多病一
病必滿時月間已必往佳山水遊或憫其羸告之辭且
自誇曰江南北山水畢受吾杖屨之故亦竟以武夷之
逝而卒云善夫爲文力求復古每爲人誦曰墜道非時

也萎儒與世靡視古太峻脆志以降其趨吾故疾學之
不變又曰任重者身也途畏者口也致遠者道也邪行
亡乎體違言不存口道可要諸遠矣卒年二十九

論曰今天下修文之士推李何吳歐吉醉擊壽寧侯率
諸生以鎖江直指夫其負氣驕人固文士恃才之豪傑
乎仲默上許楊二太宰書讀之翩翩有國士風也昌穀
一見空同虎變鸞翔乃竟逃虛以死惜哉邊廷實主計
大臣日沉湎于山水鄭繼之憚于世故時客寓于郎曹
斯皆玩世之英豪而繹脫于塵表者耶然以登八將刻
姓三千稱前矛矢